

48. Bréf dómsmálastjórnarinnar til amtmannsins í Norð-  
ur- og Austur-umdæminu, um drátt á alþingis-  
kosningum í Húnavatnssýslu. 1859.  
14. október.

Þér hafið, herra amtmaður, sent álit hlutadeiganda sýslumanns um það, hverjum væri að kenna um drátt þann, sem seinast varð á að velja alþingismann og varaalþingismann fyrir Húnavatnssýslu. Þér hafið og í bréfi, dags. 16. júlí þ. á., látið það álit í ljósi, að eptir því sem fram væri komið í máli þessu, mundi ekkert frekara við það að gjöra, nema að svo miklu leyti sem stjórnin vildi láta leggja ríkt á við hlutadeigandi presta, að gæta betri reglu, þegar semja skyldi kjörskrár næsta sinn.

Í þessu tilliti látum vèr yður vita, að eptir því sem á stendur virðist að sönnu ekki næg ástæða til, að láta hlutadeigendur sæta ábyrgð fyrir aðferð þeirra í máli því, er hér ræðir um; en þaræð kjörskrárnar úr Hjaltabakka, Hofs og Höskuldstaða prestaköllum eptir skýrslu sýslumannsins ekki eru dagsettar fyr en í ágústmánuði, og frá Hofs og Höskuldstaða prestunum ekki komnar til sýslumannsins fyr en seinast í þessum mánuði, þó að hann þegar í byrjun júnímánaðar hefði boðið að senda sér þær innan júlímánaðar loka, þá finnur stjórnin ástæðu til, til að koma í veg fyrir slíka óreglu framvegis, að mælast til við yður, herra amtmaður, að leggja ríkt á við fyrnefnda þrjá hlutadeigandi sóknarpresta, að ljúka í tækan tíma störfum þeim, sem hér ræðir um, og þeir eru skyldir til að lögum.

49. Bréf dómsmálastjórnarinnar til amtmannsins yfir 15. október.  
Norður- og Austur-umdæminu, um uppbót til  
eins umboðsmanns fyrir þann halla, er hann hafði  
líðið sökum verðlags á vörum.

Þér hafið, herra amtmaður, sent hingað bænarskrá frá Birni Skúlasyni, umboðsmanni Skriðu klausturs; sækir hann um að fá uppbót á skaða þeim, er hann hefur orðið fyrir, af því að undanfarin reikningsár hefur verið svo mikill munur á gangverði



1859. ýmsra vörutegunda í verzlun og verði þeirra eptir verðlagsskrá,  
15. október. en skaða þenna hefur hann talið 77 rd. 38 sk.

Í þessu efni lætur stjórnin eigi hjá líða að tilkynna yður, sjálfum yður til leiðbeiningar og til auglýsingar Birni umboðsmanni Skúlasyni, að það sem hann sótti um getur ekki orðið veitt honum, og er þetta samkvæmt því, sem um áþekkt tilfelli var á kveðið í bréfi innanríkisstjórnarinnar til amtmannsins yfir norður- og austur umdæminu, 10. nóvembr. 1849.

17. október. **50. Bréf dómsmálastjórnarinnar til stiptamtannsins á Íslandi, um skozka plóga handa Borgarfjarðarsýslu.**

Þér hafið, herra stiptamtmaður, með bréfi yðar, dags. 3. febrúar þ. á., sent hingað beiðni frá nefnd þeirri, sem Borgarfjarðar sýslubúar höfðu valið, til að ráðgast um, hvað úr skyldi ráða, til að stemma stigu fyrir bágingum þeim, er vofðu yfir vegna fjárkláðans. Þar er þess farið á leit, að stjórnin útvegi einn skozkan járnplóg, í minna meðallagi stóran, handa hverjum hrepp í sýslunni, en þeir eru níu, á þann hátt, að andvirði plóganna verði tekið úr styrktarsjóði Íslands; eða að öðrum kosti, að fè það, sem þarf til að kaupa plógana fyrir, verði fyrst um sinn lagt út úr sjóði þessum, sem leigulaust lán; og færi svo, að hvorugt af því, sem hér er farið fram á, fengi áheyrn hjá stjórninni: þá í þriðja lagi, að kostur gæfist á, að fá áhöld þessi með hjálp hins danska landbústjórnarfélags.

Eins og þér hafið getið um í bréfi yðar, er fyr var nefnt, hefur suðuramtsins hús- og bústjórnarfélag ekki fundið næga ástæðu til að leggja til með beiðendum, að þeir fengi það, sem fyrst er farið fram á, og verður stjórnin að vera á sama máli í því efni. Stjórnin gat heldur ekki tekið til greina það, sem næst var beið um, þar ásigkomulag og tilgangur styrktarsjóðsins ekki leyfir, að slík lán, er hér ræðir um, séu úr honum tekin. Á hinn bóginn áleit stjórnin, að það gæti orðið Borgfirðingum að talsverðu gagni, ef það gæti fengizt, sem um var beið; og hefur því skrifað hinu danska landbústjórnarfélagi, og farið þess á leit, að það, ef